

VENDIM
Nr. 370, datë 6.5.2020

**PËR DISA SHTESA DHE NDRYSHIME NË VENDIMIN NR. 277, DATË 6.4.2020,
TË KËSHILLIT TË MINISTRAVE, “PËR MIRATIMIN E GARANCISË
SHTETËRORE TË HUAS ME BANKAT E NIVELIT TË DYTË PËR PAGAT E
TREGTARËVE OSE SHOQËRIVE TREGTARE, AKTIVITETI I TË CILAVE
ËSHTË PREKUR NGA VENDIMET E KËSHILLIT TË MINISTRAVE, NË
KUADËR TË MENAXHIMIT TË SITUATËS SË KRIJUAR NGA COVID-19, SI DHE
PËR PËRCAKTIMIN E KUSHTEVE E TË KRITEREVE TË MARRËVESHJES SË
GARANCISË DHE MARRËVESHJES SË MIRËKUPTIMIT”**

Në mbështetje të nenit 100 të Kushtetutës, të neneve 3 e 38, të ligjit nr.9665, datë 18.12.2006, “Për huamarrjen shtetërore, borxhin shtetëror dhe garancitë shtetërore të huas në Republikën e Shqipërisë”, të ndryshuar, dhe të nenit 57, të ligjit nr.9936, datë 26.6.2008, “Për menaxhimin e sistemit buxhetor në Republikën e Shqipërisë”, të ndryshuar, me propozimin e ministrit të Financave dhe Ekonomisë, Këshilli i Ministrave

VENDOSI:

1. Në tekstin e marrëveshjes tip (të garancisë) bashkëlidhur vendimit nr. 277, datë 6.4.2020, të Këshillit të Ministrave, bëhen shtesat dhe ndryshimet, sipas tekstit që i bashkëlidhet këtij vendimi dhe është pjesë përbërëse e tij.

2. Shtesat dhe ndryshimet, sipas pikës 1, të reflektohen në marrëveshjet e garancisë që janë lidhur me bankat e nivelit të dytë, përpara hyrjes në fuqi të këtij vendimi.

Ky vendim hyn në fuqi menjëherë dhe botohet në Fletoren Zyrtare.

KRYEMINISTËR
Edi Rama



REPUBLIKA E SHQIPËRISË

Këshilli i Ministrave
Përfaqësuar nga
Ministria e Financave dhe Ekonomisë

[Banka XYZ]

Nr. _____ Prot.
Tiranë, më _____.____.2020

Nr. _____ Prot.
Tiranë, më _____.____.2020

PËR

DISA SHITESA DHE NDRYSHIME NË MARRËVESHJEN E GARANCISË
“PËR GARANTIMIN E HUAMARRJES SË BIZNESEVE, AKTIVITETI I TË CILAVE
ËSHTË PREKUR NGA SITUATA E KRIJUAR NGA COVID-19”
(FORMAT TIP)

[xxxxxxx] Lekë

Data e Hyrjes në Fuqi
[_____]

1. Në nenin 2 (**Garancia**), bëhen shtesat dhe ndryshimet, si më poshtë:

- Pas pikës 2, shtohet pika 2/1, me përmbajtjen si më poshtë:

“2/1. MFE krahas garantimit të principalit sipas pikës 2 të këtij neni, merr përsipër të rimbursojë interesat e Huave që do të trajtohen nën këtë Marrëveshje Garancie në përputhje me nenin 7/1 të kësaj Marrëveshjeje”.

2. Në nenin 3 (**Kriteret e kualifikimit të huamarrësve**), bëhen ndryshim dhe shtesa, si më poshtë:

- Në gjermën a., të pikës 1., Aneksi 2 zëvendësohet me Aneksin 2, sipas tekstit bashkëlidhur kësaj marrëveshjeje.

- Pas gjermës a të pikës 1, shtohet gjërma a/1, me përmbajtjen si më poshtë:

“a/1. Huamarrësi nuk duhet të këtë kredi me probleme (këto sipas definicionit të rregullores së Bankës së Shqipërisë nr.62, datë 14.9.2011 “Për administrimin e rrezikut të kredisë nga bankat dhe degët e bankave të huaja”, të ndryshuar), në muajin shkurt 2020”.

3. Në nenin 5 (**Kriteret e huasë**), bëhen ndryshimet, si më poshtë:

- Pika 5 ndryshohet, me përmbajtjen si më poshtë:

“5. Huadhënësi do të ofrojë Huanë me një normë interesi preferenciale, të barabartë me normën mesatare të interesit të tre ankandëve të fundit të bonove të thesarit 12 mujore plus një marzh prej 0.5%, por në asnjë rast norma e interesit nuk do të jetë më e lartë se 2.85%.

Kjo normë interesi do të fiksohet në momentin e nënshkrimit të Marrëveshjes së Huasë ndërmjet Huadhënësit dhe Huamarrësit dhe do të qëndrojë e pandryshuar deri në përfundimin e afatit të Huasë”.

- Pika 6 ndryshohet, me përmbajtjen si më poshtë:

“6. Huadhënësi nuk do të aplikojë tarifa, komisione, penalitete, kamatëvonesa apo çfarëdolloj mase tjetër që mund të krijojë kosto për Huamarrësin dhe MFE, përpos atyre të përcaktuara shprehimisht në këtë Marrëveshje”.

4. Pas nenit 7 (**Rikuperimi post-pagesës së garancisë**), shtohet neni 7/1 (Rimbursimi i interesave), me përmbajtjen si më poshtë:

1. MFE do të rimbursojë Huadhënësit interesat që burojnë nga Huatë e garantuara nga kjo Marrëveshje Garancie një herë në tre muaj, ku tremujori i parë do të fillojë të përlllogaritët nga data e bërjes efektive të kësaj Marrëveshjeje.

2. Nuk do të gjenerohen dhe nuk do të rimbursohen interesa për më shumë se 30 ditë pa pagesë principali nga data që i ka lindur detyrimi Huamarrësit për të paguar principalin sipas Marrëveshjes së Huasë.

3. Huadhënësi çdo 90 ditë nga data e nënshkrimit të kësaj marrëveshjeje do të dërgojë pranë MFE kërkesën për rimbursimin e interesave (“Kërkesa për rimbursim”) në formë elektronike dhe të shkruar. Kërkesa për rimbursim duhet të përmbajë informacion të detajuar në lidhje me interesat e gjeneruara dhe mënyrën e përlllogaritjes së tyre, për secilën Hua që Huadhënësi ka lëvruar në përputhje me këtë Marrëveshje.

4. MFE, pasi shqyrton informacionin dhe verifikon përlllogaritjet e kërkesës për rimbursim, autorizon transfertën e pagesës ose pagesave për Huadhënësin brenda 15 ditëve pune nga data e marrjes së kërkesës për rimbursim.

5. Nëse MFE e vlerëson të arsyeshme, përpara autorizimit për kryerjen e pagesës dhe brenda afateve të përcaktuara në pikën 4 të këtij neni, mund të kërkojë informacion shtesë ose qartësime nga Huadhënësi.

5. Pas nenit 10 (**Zgjidhja e mosmarrëveshjeve**), shtohet neni 10/1 (**Vlefshmëria e dispozitave**), me përmbajtjen si më poshtë:

“Nëse ndonjëra nga dispozitat e kësaj Marrëveshjeje është apo bëhet e pavlefshme, ose në rast se ka ndonjë boshllëk në ndonjë prej dispozitave të kësaj Marrëveshjeje, kjo nuk do të ndikojë në vlefshmërinë e dispozitave të tjera të kësaj Marrëveshjeje”.

Të gjitha nenet e tjera të kësaj Marrëveshjeje, mbeten të pandryshuara.

KËSHILLI I MINISTRAVE
PËRFAQËSUAR NGA
MINISTRIA E FINANCAVE
DHE EKONOMISË

BANKA [XYZ]

MINISTËR

ADMINISTRATOR

[EMËR MBIEMËR]

[EMËR MBIEMËR]